

靈曾爲模範果然當死偏得人憎又番成羈絆早晚超昇拂
袖崇真向道前程訪霞友雲朋真消息蓬萊路穩相從去須登

黃河清

根固源澄冥鎖戶清清堅守深洞轉加溫暖悉屏嚴凝寒凍別
是風流雅致頻知得超昇管中自然開悟長生遇玉花正好拈
弄 元初本有真靈明明處這回搜見鉛汞便令結成一粒金
丹堪貢顯現祥光瑞耀更來往隨鸞引鳳十洲三島神仙喜慶
迎共班

又按一百八數

九曲黃河分九轉洪波大浪清淨九江共同合就俱來歸正九

道藏輯要

重陽全真集

三 下胃集一

鼎中間顯現九宮闈端流一定玉翻金潑盈盈處倒侵九耀開
影 九霄翠碧相齊九皋有鶴鳴迎接精瑩九光洞明返照靈
暉堪並九曲神珠跳躍九仙至如然游泳堪殫澄澈成功行九
天通聖

漢宮春

正好修行得深深幽密玄玄微妙樞機是茲仗此便成關要惺
惺了了更做就風流真俏顏內少元從巨昔圓聚卮般輝耀
三光起初朗照卻於今認見當本聲調清音洽浹響亮轉動七
竅崑崙出去爲一箇青童來召金線釣靈明授取天書紫詔

夏雲峯

做修持應不在端坐子午雙時鉛汞自然要結只用直慈捷中
玄逕誰會得獨我怡怡密妙放閑閑坦蕩微細推移 漸令靈
曜吐奇變霞彩光艷還照相隨蓋緣昔堪宜白雲深處元正是
地肺明師便許共丹霄直上同處無爲

守株林無作用空外獨臥高岑石枕草衣偃仰極目觀臨水桃
山杏隨分喫且盜陽陰款款脫塵軀俗狀三疊琴心 舞胎仙
論淺深自然見不須重恁搜尋已通玄妙得步瓊林玉花叢裏
從此便養透真金瑩靜與清風皓月長做知音

瑤臺月

閑閑景致真閑悟清清方可分付元來那箇本有須令堅固便

道藏輯要

重陽全真集

三 下胃集一

結作一粒金丹五色明霞敷布同相守能相聚迴光射返光顧
遭遇圓成決得真師舉度 此則助正鮮素更永永綿綿嚮慕
應知道還處亘初存住逐瑩瑩瑞彩祥輝珍寶珞玕瓊瓖步胎
仙舞神仙路金童引玉童諭堪赴瑤臺月照瓊筵雅聚

聲聲慢

金闕叩戶玉鎖扃門閑裏不做修持杳默昏冥誰會舞弄嬰兒
睡則擒猿捉馬醒來後復採瓊芝每依時這工夫白日只許心
知 自在逍遙做就唯舒展紅霞光彩敷披罩定靈明方見本
有真慈一粒神丹結正三重焰緊緊相隨過瑤池透青霄頂上
無爲